



**ADDENDA AO CONVENIO DE COLABORACIÓN ENTRE A CONSELLERÍA DO  
MEDIO RURAL E O CONCELLO DE COSPEITO PARA A REALIZACIÓN DE OBRAS  
DE INFRAESTRUTURA RURAL**

## REUNIDOS

Dunha parte, **M<sup>a</sup> Paz Rodríguez Rivera**, actuando en nome e representación da **Consellería do Medio Rural** da Xunta de Galicia, na súa calidade de directora xeral de Desenvolvemento Rural en virtude do Decreto 49/2024, do 22 de abril (DOG núm. 81 do 24 de abril de 2024), e ao abeiro da Orde do 17 de novembro de 2015 de delegación de competencias en diversos órganos desta consellería (DOG núm. 223 do 23 de novembro de 2015).

Doutra parte, **Armando Castosa Alvariño**, actuando en nome e representación do Concello de **Cospeito** na súa calidade de alcalde/sa-presidente/a, en virtude das facultades representativas que lle atribúe o artigo 61.1 da Lei 5/1997, do 22 de xullo, de administración local de Galicia.

Ambas as dúas partes actúan no exercicio dos seus respectivos cargos, coa representación legal que ostentan, e recoñécense mutuamente capacidade para se obrigaren nos termos desta Addenda, e para o efecto

## EXPOÑEN:

**Primeiro:** Con data 5 de xuño de 2025 a Consellería do Medio Rural e o concello de Cospeito asinaron un convenio de colaboración cuxo obxecto é a realización da obra de infraestructura rural **"Rexeneración de vías municipais en Guldeiros (Pino) e A Xoca (Goá)"**

**Segundo:** O convenio establece nas súas cláusulas segunda e terceira o importe máximo do orzamento de execución da obra en **48.380,64 €** con cargo á anualidade 2025.

**Terceiro:** O convenio establece na súa cláusula novena que as modificacións formalizaranse mediante "addenda" cos mesmos requisitos e condicións para a aprobación do Convenio.

**Cuarto:** O 15 de xullo de 2025 formalizouse contrato administrativo para a execución da obra de referencia por parte da empresa CHOLO, SL por un importe de 48.380,64 € e catro meses de prazo de execución.





**Quinto:** De acordo co artigo 237 da Lei 9/2017, do 8 de novembro, de Contratos do Sector Público, o 14 de agosto de 2025 asinouse Acta de comprobación do replanteo que determinou a viabilidade da execución das obras.

**Sexto:** Os traballos iniciáronse con data 22 de outubro de 2025 coa limpeza de gabias da vía municipal A Xoca (Goá), non sendo susceptible de certificación, sen producirse ningún avance na obra ata o momento, polo que a dirección facultativa entende que non é posible o remate dos traballos antes da data de finalización do contrato, establecendo na súa proposta que a demora na execución é imputable ao contratista e solicitando, en base ao artigo 193 da Lei 9/2017, do 8 de novembro, de Contratos do Sector Público, a imposición de penalidades por mora.

**Sétimo:** A tal efecto a dirección facultativa asinou Acta de contracción/detracción co contratista e estableceu un prazo adicional de tres (3) meses como límite para o remate das obras, solicitando o reaxuste da anualidade líquida vixente de 2025, de xeito que se detraiga o importe íntegro da dita anualidade e se produza a súa contracción na anualidade 2026.

Xa que logo, as partes acordan a sinatura desta Addenda de acordo coas seguintes:

## CLÁUSULAS

### Primeira: Obxecto

O obxecto desta addenda é modificar a distribución de anualidades inicial do convenio establecidas nos súas cláusulas segunda e terceira.

Ditas cláusulas quedan coa seguinte redacción:

#### **“Segunda: Obrigas da Consellería do Medio Rural**

A Consellería do Medio Rural asume a realización das obras sinaladas con cargo aos seus orzamentos, correspondéndolle en exclusiva a súa licitación ou encargo, tramitación e dirección.

O importe máximo que se destinará ás obras obxecto do presente convenio é de **48.380,64 €**, con cargo íntegramente á anualidade 2026.

A diferenza entre o importe anterior e o que resulte do proceso de adxudicación quedará a disposición da Consellería do Medio Rural, sen prexuízo das modificacións que foran necesarias que en ningún caso poderá superar o importe máximo sinalado no parágrafo anterior.”





### **“Terceira: Financiamento**

As obras obxecto deste convenio son financiados con fondos propios. O financiamento destas obras será con cargo á aplicación orzamentaria 15.06.551A.604.1 coa seguinte distribución de anualidades:

-2025: 0,00 €  
-2026: 48.380,64 €

### **Segunda.**

En todo o non novado expresamente pola presente Addenda, seguirá en vigor o disposto no Convenio.

### **Terceira.**

As partes asinantes desta Addenda outorgan o seu consentimento para que o resto das especificacións que constan na citada Addenda sexan publicados no Portal de Transparencia e Goberno Aberto e no Rexistro de Convenios da Xunta de Galicia, de acordo co establecido no artigo 15 da Lei 1/2026, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, e en concordancia cos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno.

En proba de conformidade, as partes asinan dixitalmente a presente Addenda

POLA XUNTA DE GALICIA  
A conselleira do Medio Rural,  
(P.D. Orde do 17.11.2015 DOG núm. 223  
do 23.11.2015)  
A directora xeral de Desenvolvemento  
Rural

POLO CONCELLO DE **COSPEITO**  
O ALCALDE-PRESIDENTE,

**M<sup>a</sup> Paz Rodríguez Rivera**

**Armando Castosa Alvariño**

